



Reprezentante Vice Ministro MAE, Diretor Geral Dezentralizasaun Administrativa Akompanha husi Diretora Nasional PNDS Oficialmente Inagura Moru Haleu Escola Filial Bibileo.

Reprezentante Vice Ministro MAE, Diretor Geral Dezentralizasaun Administrativa Akompanha Husi Diretora PNDS Oficialmente Inagura Moru Haleu Eskola Filial Bibileo

Projetu Moru Haleu Escola Filial Bibileo ne'ebé konstrui iha Suku Bibileo, Munisípiu Viqueque ho Orsamento Governu ne'ebé aloka liu husi implementasaun Programa Nasional Dezentvolvimentu Suku, (PNDS) oficialmente Inagura Husi Reprezentante Vice Ministro MAE Akompanha husi Diretora Nasional PNDS no Ekipa, (17/01/2020). Konstrusaun Moru Haleu Escola Filial iha Suku Bibileo hanesan preokupasaun husi inan aman sira atu nune'e estudante sira bele hakmatek iha ambiente Escola ne'ebé seguru.

Reprezentante Vice Ministru MAE, Diretor Geral Desentralizasaun Administrativa Amandio Paulino de Sousa hafoin inaugura obra ne'e ba comunidade hateten Programa Nasional Dezentvolvimentu Suku fo lisaun lubuk ida ba comunidade atu iha kapasidade bele organiza hodi hakbi'it comunidade liu husi sira nia partisipasaun iha prosesu dezentvolvimentu iha nivel Suku, lisaun seluk husi PNDS mak bele hasa'e rendimentu familiar.

Konstrusaun ba Moru Escola Filial Bibileo ho Montante Total osan \$42,661.45 ho orsamentu ne'e halo ona konstrusaun Moru Haleu Escola Filial Bibileo maibe depois implementa osan restu sira ne'e halo mos Konstrusan ba Sala Merenda Escolar, Armajen Escola no Hadia Sistema Bomba Be'e, ho nune suku bibileo gastu osan hamutuk \$41,791.12 ho balansu \$670.33 ne'ebé mak iha kontabankaria suku.

Mini Irigasaun Be'e ba Natar iha Suku Uatu-Haco Aldeia Liabala Oficialmente Hetan Inagurasaun

Inagurasaun ba Mini Irigasaun Be'e ba Natar ne'e partisipa husi Prezidenti Autoridade Munisípiu Baucau, Antonio Guterres, Diretora PNDS, Diretor DNAS MAE, Team Leader Partisipa, Administrador Postu Venilale, Diretor Delegasaun PNDS Munisípiu Baucau, Komandante Polisia Eskuadra Venilale, Chefe Suku Uatu-Haco no Komunidade Aldeia Liabala, aktividade inagurasaun ne'e realiza 24/01/2020.

Implementasaun Programa PNDS iha suku Uatu-haco iha projetu rua, projetu ida mak konaba Mini Irigasaun ne'e rasik no projetu seluk mak konaba projetu Estrada rural iha Aldeia Osogori, enkuantu Konstrusaun Mini Irigasaun Be'e ba Natar hektares 3 ital ne'e hari iha Fatin Abagata Aldeia Liabala, Suku Uatu-haco, Postu Venilale, Munisípiu Baucau ho total Orsamentu hamutuk \$41,538.75 no Volume Irigasaun hamutuk 1000M. 3 Unit Cuptering (Intake), Uma kain ne'ebé partense ba iha Irigasaun ne'e hamutuk 148 ho total comunidade hamutuk 746, feto 351 no mane 395, irigasaun ne'e mos fornese be'e ba populasaun Uaibobo ne'ebe mak pertensi ba suku bado-ho.

PNDS

Hamutuk Ita
Dezentvolve Nasaun

Janeiru 2020

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, Enkontru Akontabilidade 50% Primeiru)


Faze 2 Siklu 2 : Iha Etapa 10 (Sertifika, Enkontru Akontabilidade 50% Primeiru)

Faze 3 Siklu 2 : Iha Etapa (Transferensia Fundus Operasional) Remata Ona 2017




Konstrusaun

Faze I Siklu 2



Faze II Siklu 2



Komunidade Aldeia Kirkoli no Maulai Suku Manetu, Senti Kontenti ho Implementasaun Programa PNDS Tamba Hetan Ona Projeitu Loke Estrada Foun ba Sira Nia Aldeia

Suku Manetu Postu Administrativu Maubise Munisipiu Ainara, kategoria hanesan Suku ne'ebe remotas ho distansia 24 kilo metru husi Postu Administrativu Maubise, Distansia entre Aldeia Kirkoli liga ba Sede Suku Manetu kuaze kilo metru 7 ho total habitantes aldeia kirkoli hamutuk uma kain 73 no Mane 197, feto 241 total 438 pessoas, entretanto distansia entre Aldeia Maulai liga ba cede Suku Manetu ho distansia besik kilo metru 8 ho total habitantes hamutuk uma kain 115, kompostu husi mane 358, feto 405 total hamutuk 763.

Alcino Mendonca nudar Chefe Aldeia Kirkoli Espresa sentimentu kontenti tanba prioridade loke Estrada foun konsege realiza, nune'e Chefe aldeia ne'e kompremete katak iha futuru depois de projeitu ne'e finaliza no entrega ona ba sira karik Estrada at, rai monu ou ai ruma monu nia hamutuk ho nia comunidade bele tau matan hodi hadia no halo manutensaun karik estragus makas ou Estrada kotu total maka sira sei liga ba governu hodi ajuda.



Administrador Munisipiu Liquisa Inaugura Rehabilitasaun Estrada Rurais Betaun iha Aldeia Nartutu Suku Maumeta

Estrada ne'e konstrui ho orsamentu ne'ebé aloka liu husi programa PNDS faze 3 siklus 2, iha suku Maumeta, Munisipiu Liquisa, estrada refere finaliza ona no hetan inaugurasan husi Administrador Munisipiu Liquisa, Domingos da Conceição dos Santos iha sexta feira 24/01/2020.

Administrador Munisipiu Liquisa, Domingos da Conceição dos Santos ne'ebé inaugura projeitu ne'e Agradese no orgulhu ba Ekipa PNDS husi Nasional, Munisipiu to Postu no Ekipa Jestaun Suku Maumeta ne'ebé servisu makas hodi konstrui estrada rurais betaun ne'e ho qualidade ne'ebe diak, rejultado ne'e hatudu katak ekipa jestaun suku sira inklui badaen sira serbisu ho fuan hodi dezenvolve sira nia suku.

Agostu Barreto dos Santos, nudar comunidade ne'ebé sai beneficiáriu ba projeitu ne'e agradese tanba ho PNDS bele rejolve sira nia difikuldades ne'ebé sira enfrenta, nudar beneficiáriu sente kontente tebes, tanba konstrusaun Ponte no Estrada ida ne'e sai hanesan prioridade as liu iha suku Maumeta espesialmente iha aldeia Nartutu ne'e maioria comunidade sira preokupa atu konstrui nune'e preokupasaun hirak ne'e bele rejolve ho prezensa implementasaun Programa PNDS iha sira nia suku, Ho finalizasaun projeitu ne'e comunidade iha bairo ne'e sente katak estrada ne'e bele fasilita sirkulasaun comunidade sira hala'o negósio iha Mercado.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl